



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

2426

243

7-21


1874

2010

2001

200

393-54



243

ԴՄԵՏԵՏԻ

7-21

Ե Ղ Օ Թ Ի Ց



1004  
19352

Տպագրեաց

Ե. ՏԵՐ ԹԱԿՐԵԱՆ



Տ Փ Խ Ի Ս

Ի Տպ. Գլխավոր կառավարության փոխարքային կովկասու:

1874

11589

12-112

24



ՀԱՅԿԱՍՏԱՆԻ ԿԱՆՈՒՆԱԿԱՆ ԳՐԱԴԱՐԱՆ  
ՀԱՅԿԱՍՏԱՆԻ ԿԱՆՈՒՆԱԿԱՆ ԳՐԱԴԱՐԱՆ  
ՀԱՅԿԱՍՏԱՆԻ ԿԱՆՈՒՆԱԿԱՆ ԳՐԱԴԱՐԱՆ

Յանուն Հօր և Արղայ և Հոգւոյն սրբոյ:

Տէ՛ր, եթէ զըթունս իմ բանաս, բերան  
իմ երգեսցէ զօրհնութիւնս քո:

Օրհնեալ համազոյ և միասնական անբա-  
ժանելի սուրբ Արքորդութիւն՝ Հայր և Արղի  
և Հոգի սուրբ. այժմ և միշտ և յաւիտեանս  
յաւիտենից. ամէն:

Дозволено Цензурою. Тифлисъ, 24 Января 1874 года.

Տէրունական աղօթք:

Հայր մեր՝ որ յերկինս ես, սուրբ եղիցի ա-  
նուն քո. եկեսցէ արքայութիւն քո. եղիցին կամք  
քո որպէս յերկինս և յերկրի: Օհաց մեր հա-  
նապազորդ տո՛ւր մեզ այսօր. և թո՛ղ մեզ  
զպարտիս մեր, որպէս և մեք թողու՛մք մերոց  
պարտապանաց. և մի՛ տանիր զմեզ ՚ի փոր-  
ձութիւն. այլ փրկեա՛ զմեզ ՚ի չարէ: Օհ  
քո է արքայութիւն և զօրութիւն և փառք  
յաւիտեանս. ամէն:

Կաղթանք առ տիրամայր սուրբ կոյն:

Անկանխմբ առաջի քո սուրբ Աստուածածին,  
և աղաչեմք զանարատ զկոյսդ՝ բարեխօսեա  
վասն անձանց մերոց. և աղաչեա՛ զմիածին որ  
զիդ՝ փրկել զմեզ ՚ի փորձութենէ և յամենայն  
վասնզից մերոց:

Քարոզ Աստուածածնի և ամենայն սրբոց:

Սուրբ զԱստուածածինն և զամենայն սուրբս  
բարեխօս արասցո՛ւք առ Հայր ՚ի յերկինս. զի  
կամեցեալ ողորմեսցի, և զթացեալ կեցուցէ  
զարարածս իւր: Ամենակալ Տէր Աստուած  
մեր՝ կեցո՛ւ և ողորմեա՛:

Կաղթանք առ փրկիչն մեր Քրիստոս:

Խաչ քո եղևցի մեզ ապաւեն՝ Տէր Յիսուս,  
յորժամ երևիս փառօք Հօր ընդ ամպս լուսա  
ւորս: Յայնժամ մեք մի՛ ամաչեսցուք յուսա  
ցեալքս ՚ի քեզ, այլ զօրութեամբ քով մեծաւ  
բերկրեսցուք ընդամէ քումմէ՝ որպէս զօրդիս  
լուսոյ և որդիս տունջեան:

Մանր Քարոզ խաչի:

Սուրբ խաչեւս աղաչեսցուք զՏէր, զի սո  
վաւ փրկեսցէ զմեզ ՚ի մեղաց, և կեցուցէ  
չնորհիւ ողորմութեան իւրոյ: Ամենակալ Տէր  
Աստուած մեր, կեցո՛ւ և ողորմեա՛:

Աղօթք առ փրկիչն մեր Քրիստոս:

Պահպանեա՛ զմեզ Քրիստոս Աստուած  
մեր ընդ հովանեաւ սուրբ և պատուական  
խաչի քո ՚ի խաղաղութեան. փրկեա՛ յերևե  
լի և յաներևոյթ թշնամոյն: Արժանաւորեա  
գորհութեամբ փառաւորել զքեզ ընդ Հօր  
և ընդ սրբոյ Հօգւոյդ. այժմ և միշտ և յա  
ւիտեանս յաւիտենից ամէն:

երդ:

Սուրբ Աստուած, սուրբ և հզօր, սուրբ և  
անմահ, որ խաչեցար վասն մեր. ողորմեա՛  
մեզ: Փառաւորեալ և օրհնեալ միշտ սուրբ  
կոյս Սարիամ Աստուածածին՝ մայր Քրիս  
տոսի, մատո՛ զաղաչանս մեր՝ որդւոյ քոց և  
Աստուծոյ մերոց:

Ժամամուտք: 1. Ծննդեան:

Աղաչեմք զքեզ սուրբ կոյս Մարիամ Աստուածածին՝ բարձրելոյն զօրութեամբն հովանաւորեալ, և սուրբ Հոգւոյն եկաւորութեամբն լուսաւորեալ, որ զամենայն գոյութեանց ստեղծիչն յղացեալ ծնար անձառապէս, մարմնացելոյն առ 'ի քէն բարեխօսեա' կեցուցանել զանձինս մեր:

Աստուածածին անհարմնացեալ՝ զբանն անսկիզբն յղացար, և զԱստուածն անխմանալի ծնար, զանպարագրելին 'ի զերկա քո բարձեր, նմա անդադար բարեխօսեա' վասն անձանց մերոց:

2. Խաչի:

Առաջի պատուական ամենայաղթ խաչի քո անկանիմք երկրպագելով, և խնդրեմք զթողութիւն յանցանաց մերոց. քանզի սովաւ բարձեր զգատապարտութիւն ազգի մարդկան: Աւայժմ վասն սրբոյ Աստուածային քո նշանի շնորհեա' գերկնային զխաղաղութիւնդ ամենայն աշխարհի:

3. Բարութեան:

Քրիստոս յարեալ 'ի մեռելոց, մահուամբ զմահ կոխեաց. և յարութեամբն իւրով մեզ կեանս պարգևեաց. նմա փառք յաւիտեանս, ամէն:

4. Համբարձման:

Հիացան վերնական բազմութիւնքն տեսանելով զքեզ 'ի հրեղէն կառս բազմեալ, սարսեալ ասէին. ո՞վ է սա որ զիմեալ զայ յԱղօմայ. և եկեալ մտանէ փառօք 'ի փառս. Տէր փա'ռք քեզ:

5. Հոգեղալստեան:

Աստուած զքեզ խոստովանիմք զսուրբ Հոգիդ՝ և երկիրպագանեմք, որ ես պատճառ կենդանութեան եղելոցս և խաղաղարար աշխարհի. որ զտղիտութիւն աշակերտացն բազում գիտութեամբ լցեր, և 'ի հրեղէն լեզուս բաժանեալ անձառելեօք ցուցար նոցա. աղաղակեմք՝ Տէր խնայեա' և կեցո' զմեզ:

6. Կիրակէի:

Միածին Որդի և բանդ Եստուած և անմահ էութիւն, որ յանձն առեր մարմնանալ 'ի սրբուհւոյ Եստուածածնէն և 'ի միշտ կուսէն. անփոփոխելի մարդ եղեալ՝ խաչեցար Քրիստոս Եստուած մեր. մահուամբ զմահ կոխեցեր մինդ 'ի սրբոյ երրորդութենէն՝ փառաւորակից ընդ չօր և սրբոյ չօգւոյն. կեցո՛ր զմեզ:

7. Լուսաւորչին:

Գրիգոր սուրբ Քահանայապետ՝ որ զհաւատս ուսուցեր, և զբանակս զիւացն հալածեցեր. մարդկան ուսուցեր քարոզել զերրորդութիւնն, պսակեցար յարքայութեանն. արդ բարեխօս լեր առ Տէր վասն մեր:

Քարոզ առաքելոց եւ մարտիրոսաց:

Սուրբ ճգնաւորօքն աղաչեսցուք զՏէր, որք զչարսն պարտեցին, նեղութեանցն համբերեցին, լուսեղէն և երկնային անթառամ պսակացն արժանի եղեն: Եղօթիւք նոցա և բարեխօ-

սութեամբ մեզ ողորմեսցի: Եմենակալ Տէր Եստուած մեր՝ կեցո՛ր և ողորմեա՛ր:

Աղօթք եկեղեցւոյ:

Դ մէջ տաճարիս, և առաջի Եստուածընկալ և պայծառացեալ սուրբ նշանացս և սուրբ սեղանոյս խոնարհեալ երկիւղիւ երկիրպաղանեմք. զսուրբ՝ զհրաշալի և զյաղթօղ զյարութիւնդ քո փառաւորեմք, և քեզ մատուցանեմք զօրհնութիւն և զփառս ընդ չօր և ընդ սրբոյ չօգւոյդ. այժմ և միշտ և յաւիտեանս յաւիտենից. ամէն:

Քարոզ եկեղեցւոյ:

Սուրբ եկեղեցեալս աղաչեսցուք զՏէր. զի սովաւ փրկեսցէ զմեզ շնորհիւ ողորմութեան իւրոյ: Եմենակալ Տէր Եստուած մեր, կեցո՛ր և ողորմեա՛ր:

Քարոզ կիրակէից եւ այլոց տէրունական տօնից:

Խնդրեսցուք հաւատով միաբանութեամբ 'ի Տեառնէ, զի զողորմութեան զշնորհս իւր



արացէ 'ի վերայ մեր, **Տէրն** ամենակալ կեցուցէ և ողորմեսցի:

Աղօթք ճանապարհի:

**Տէր** ուղղեա՛ զգնացս մեր 'ի ճանապարհս խաղաղութեան. **Տէր** ուղղեա՛ և առաջնորդեա՛ հոգւոց մերոց և ամենայն հաւատացելոց՝ զնալ յարդարութեան ճանապարհն և 'ի կեանսդ յաւիտենից:

**Առաջնորդ** կենաց և պարզելիչ խաղաղութեան **Քրիստոս Աստուած** մեր, առաջնորդեա՛ մեզ զնալ 'ի ճանապարհս քո արդարութեամբ, և խաղաղութեամբ ժամանել 'ի նաւահասնդ կենաց և փրկութեան՝ շնորհօք ողորմութեան քո: **Օ**չի դու ես օգնական և փրկիչ մեր, և քեզ վայելէ փառք իշխանութիւն և պատիւ. այժմ և միշտ և յաւիտեանս յաւիտենից. ամէն:

Օրհնութիւն սեղանոյ:

**Աչք** ամենեցուն 'ի քեզ **Տէր** յուսան. և դու տաս կերակուր նոցա 'ի ժամու: Բանաս

զձեռն քո, և լցուցանես զամենեսեան քաղցրութեամբ կամօք քովք:

Գործիւն յետ յառնելոյ 'ի սեղանոյն:

**Փառք** քեզ **Տէր՝** փառք քեզ **Թաղաւոր** փառաց, որ ետուր մեզ կերակուր ուրախութեան. և լցուցեր զսիրտս մեր 'ի լիութենէ ամենաբաւական ողորմութեան քո. լցո՛ և զմեզ հոգւովդ քով սրբով. որպէս զի գտցուք առաջի քո հաճոյք, և մի՛ ամաչեցեալք. զի դու դաս և հատուցանես իւրաքանչիւր ըստ գործս իւր:

Գործիւն զկնի սրբոյ հաղորդութեան:

**Այլ** քաք 'ի բարութեանց քոց **Տէր՝** ճաշակելով զմարմին քո և զարիւն. փա՛ռք 'ի բարձունս կերակրողիդ զմեզ: **Որ** հանապազ կերակրես զմեզ. առաքեա՛ 'ի մեզ զհոգւոր քո զօրհնութիւն. փա՛ռք 'ի բարձունս կերակրողիդ զմեզ:

Հանգանակ հիկիական:

Հաւատամք 'ի մի Աստուած՝ Հայր ամ-

նակալ՝ յարարին՝ երկնի և երկրի, երևելեաց  
 և աներևութից: Եւ 'ի մի տէր Յիսուս  
 Քրիստոս յՈրդին Աստուծոյ, ծնեալն յԱս-  
 տուծոյ Հօրէ միածին, այսինքն յէութենէ  
 Հօր, Աստուած յԱստուծոյ, լոյս 'ի լուսոյ,  
 Աստուած ճշմարիտ՝ յԱստուծոյ ճշմարտէ՝ ճը-  
 նունդ, և ո՛չ արարած: Մոյն ինքն 'ի բնու-  
 թենէ Հօր Կորով ամենայն ինչ եղև յերկինս  
 և 'ի վերայ երկրի, երևելիք և աներևոյթք:  
 Որ յաղագս մեր մարդկան՝ և վասն մերոյ փրո-  
 կութեան, իջեալ յերկնից՝ մարմնացաւ, մար-  
 դացաւ, ծնաւ կատարելապէս 'ի Մարիամայ  
 սրբոյ կուսէն՝ Հոգւոյն սրբով: Որով էառ  
 մարմին, Հոգի և միտք, և զամենայն որ ինչ  
 է 'ի մարդ, ճշմարտապէս՝ և ո՛չ կարծեօք:  
 Չարչարեալ՝ խաչեալ՝ թաղեալ՝ յերրորդ ա-  
 ռուր յարուցեալ. ելեալ յերկինս նովին մար-  
 մնով՝ նստաւ ընդ աջմէ Հօր: Վաղոց է նո-  
 վին մարմնոյն և փառօք Հօր, դատել զին-  
 դանիս և զմեռեալս: Որոյ թագաւորութեանն  
 ո՛չ գոյ վախճան: Հաւատամք և 'ի սուրբ  
 Հոգին յանեղն և 'ի կատարեալն: Որ խօսե-  
 ցաւ յօրէնս և 'ի մարգարէս և յաւետարանս:

Որ էջն 'ի Յորդանան, քարոզեաց զառա-  
 քեալն. և բնակեցաւ 'ի սուրբն: Հաւա-  
 տամք և 'ի մի միայն ընդհանրական և առա-  
 քելական եկեղեցի: 'Ի մի մկրտութիւն. յա-  
 պաշխարութիւն. 'ի քառութիւն և 'ի թողու-  
 թիւն մեղաց: 'Ի յարութիւն մեռելոց, 'ի դատաս-  
 տանն յաւիտենից Հոգւոց և մարմնոց. յար-  
 քայութիւնն երկնից, և 'ի կեանն յաւիտե-  
 նականս:

Իսկ որք ասեն, էր երբեմն՝ յորժամ ո՛չ էր  
 Որդի. կամ էր երբեմն՝ յորժամ ո՛չ էր սուրբ  
 Հոգին. կամ թէ յոչէից եղեն, կամ յայլմէ  
 էութենէ ասեն լինել զՈրդին Աստուծոյ և  
 կամ զսուրբ Հոգին. և թէ՛ փոփոխելի են կամ  
 այլայլելի, զայնպիսիսն նզովէ կաթողիկէ և  
 առաքելական սուրբ եկեղեցի:

Իսկ մեք փառաւորեսցուք որ յառաջ քան  
 զյաւիտեանս, երկիրպագանելով սրբոյ Արրոր-  
 դութեանն՝ և միոյ Աստուածութեանն, Հօր  
 և Որդոյ և Հոգւոյն սրբոյ. այժմ՝ և միշտ  
 և յաւիտեանս յաւիտենից. ամէն:

ԱՌԱՒՈՏԵԱՆ ԱՂՕԹՔ:

Գոհանամք զքէն Տէր Աստուած մեր, որ զարթուցեր զմեզ 'ի հանգստենէ քնոյ շնորհիւ ողորմութեան քո: Օարթո՛ գլխաս մեր արդարութեամբ առ քեզ, Տէ՛ր Աստուած մեր, զի տեսցեն աչք մեր զփրկութիւն քո: Եկեսցէ և բնակեսցի առ մեզ Աստուածութիւն քո, և ողորմութիւն քո հովանի և պահապան լիցի 'ի վերայ պաշտօնէից քոց: Եւ զմեզ զծառայս քո արժանի՛ արա 'ի տուէ և 'ի գիշերի՛ և յամենայն ժամու միշտ խորհիլ 'ի սէր պատուիրանաց քոց, և գոհանալով փառաւորել զձայր և զՈրդի և զուրբ ձողիդ, այժմ՝ և միշտ և յաւիտեանս յաւիտենից, ամէն:

Օքէն գոհանամք Տէր Աստուած մեր, որ շնորհեցեր մեզ հանգիստ քնոյ խաղաղութեամբ: Եւ զարթուցեալ ժամանեցուցեր զմեզ կանխել յերկրպագութիւն ահաւոր և փառաւորեալ անուանդ քում սրբոյ: Տո՛ւր մեզ Տէր՝ աղաչեմք զքեզ՝ զմնացուած զիշերիս խաղաղութեամբ անցուցանել, և զամե-

նայն ժամանակս կենաց պանդխտութեան մերոյ երկիւղելդ քո ամրացո՛ և պահեա՛: Որպէս զի զգուշութեամբ և անարատ վարուք կրօնաւորեալք յայսմ աշխարհիս՝ ժամանեսցուք յանքոյթ և 'ի խաղաղ նաւահանգիստ յաւիտենական 'ի կեանսդ, շնորհօք և մարդասիրութեամբ Տեառն մերոյ և փրկչին Յիսուսի Քրիստոսի, ընդ որում քեզ ձօր՝ և ձուգայդ սրբոյ վայելէ փառք՝ իշխանութիւն և պատիւ, այժմ՝ և միշտ և յաւիտեանս:

Գոհանամք զքէն Տէր Աստուած մեր, որ երևելի լուսով քով զուարճացուցեր զամենայն աբարածս քո, իսկ իմանալի լուսով պատուիրանաց քոց զամենեսեան լուսաւորեցեր՝ զհաւատացեալս 'ի քեզ: Օջրացո՛ և զմեզ Տէր՝ 'ի պահպանութիւն պատուիրանաց քոց՝ 'ի տունջեանս յայսմիկ և յամենայն ժամանակի: Որպէս զի լուսաւորեալ մտօք՝ միշտ զհաճոյս քո արացուք, և հանդերձեալ բարեացդ հասցուք ընդ ամենայն սուրբս քո: Ե՛նորհօք և մարդասիրութեամբ Տեառն մերոյ և փրկչին Յիսուսի Քրիստոսի, որում վայելէ փառք, իշխանութիւն և պատիւ, այժմ՝ և միշտ:

Երկրպագեմք քեզ Տէր Աստուած մեր՝  
անցեալքս ընդ երկարութիւն գիշերիս, և կան-  
խեալքս ՚ի տեղւոջ խոստովանութեան՝ մա-  
տուցանեմք զառաւօտու աղօթս մեր:

Օքեզ Տէր օրհնեմք և փառաւորեմք, և  
զքէն Տէր զօհանամք. որ արժանի արարեր  
զգիշերս խաղաղութեամբ անցուցանել, և հա-  
սանել ՚ի ժամ առաւօտուս: Արժանաւորեա՛  
զմեզ Տէր անձառ խոստմանց քոց, զոր խոս-  
տացար սիրելեաց քոց ճշմարիտդ Աստուած՝  
Յիսուս Քրիստոս Տէր մեր. կեցո՛ և ողորմեա՛:

Այսք առաւօտու ողորմութեամբ քով. ցըն-  
ծացաք և ուրախ եղաք զամենայն աւուրս  
կենաց մերոց:

Ուրախ եղաք փոխանակ աւուրցն՝ յորս  
խոնարհ արարեր զմեզ. և ամացն՝ յորս տե-  
սաք զչարչարանս:

Հայեա՛ց Տէր ՚ի ծառայս քո՛ և ՚ի գործս  
ձեռաց քոց. և առաջնորդեա՛ որդւոց նոցա.  
եղեցի լոյս Տեառն Աստուծոյ ՚ի վերայ մեր:

Օգործս ձեռաց մերոց ուղիղ արա՛ ՚ի մեզ  
Տէր, և զգործս ձեռաց մերոց յաջողեա՛ մեզ:

ՀԱՅ. Հ. ԱՍՏՈՒԹՅԱՆ ԳՐԱԳԱՐԱՆ  
ՍՍՐ. Ա. ՄԻԾԼԻՊԱՆԱԿ ԲԻՍՈՒՊՈՒՄ  
— 17 — 7/XI 1922  
ՄՈՆԻՏՈՐ ԿՐԻՍՏՈՍ ԿՐԻՍՏՈՍ

Առտոյդ քո Քրիստոս՝ ամենքեան լուսա-  
ւորեցաք, և ՚ի սուրբ խաչ քո փրկիչ հաւա-  
տացեալքս սպաւինեցաք: Ա՛ր՝ը մեզ Աստու-  
ած փրկիչ մեր, տո՛ւր մեզ զխաղաղութիւն  
քո. և արա՛ առ մեզ զողորմութիւն քո մա՛ր-  
դասէր Տէր:

1004  
19352

Օառաւօտու զաղօթս և զբանաւոր պաշ-  
տօնս ընկա՛լ ամենակալ ամենամեծդ Աստուած  
՚ի քո անապական և յերկնային խորանար: Ծա-  
գեա՛ առ մեզ զարդարութեան և զխմաստու-  
թեան զլոյս քո. արա՛ զմեզ որդիս լուսոյ և  
որդիս տունջեան. որպէս զե՛ ՚ի զալ աւուրս  
երկիւղածութեամբ վարեցուք զկեանս մեր,  
և առանց դայթակղութեան կատարեցուք:

Օի դու ես օգնական և փրկիչ մեր. և քեզ  
վայելէ փառք իշխանութիւն և պատիւ. այժմ՝  
և միշտ և յաւիտեանս յաւիտենից. ամէն:

Յիշեա՛ Տէր զպաշտօնեայս քո, զճնօղան  
մեր, զփարդապետս, զեղբարս, զընկերս, զկե-  
րակրիչս, զուխտաւորս, զճանապարհորդս, զհասն-

գուցիչս, գվաստակաւորս, զխոստովանօղս, զպաշխարօղս, զգգերիս, զհիւանդս, զնեղեալս, զիշխանս, զչարարարս, զբարերարս, զթշնամիս, զատելիս, և որք պատուիրեցին մեզ հաւատով:

Աղօթք Մանասէի Թագաւորին:

**Տէր** ամենակալ **Մտուած** **Աբրահամու** **Իսահակայ** **Յակօբայ** և զաւակի նոցա արգարոց. ամենակալ **Տէր** թո՛ղ զմեզս իմ:

Որ արարեր զերկինս և զերկիր՝ և զամենայն զարդ նոցա. ամենակալ **Տէր** թո՛ղ զմեզս իմ:

Որ կապեցեր զծով բանիւ հրամանի քոյ. փակեցեր զխորս. կնքեցեր ահաւոր և փառաւորեալ անուամբ քով սրբով. ամենակալ **Տէր** թո՛ղ զմեզս իմ:

Որ ամենայն ինչ սարսի և զողայ յերեսաց ահի զօրութեան քո. ամենակալ **Տէր** թո՛ղ զմեզս իմ:

Անբաւ է մեծ վայելչութիւն փառաց սրբութեան քո, և սաստիկ է բարկութիւն սպառնալեաց քոց ՚ի վերայ մեղաւորաց. անչափ և անքնին են ողորմութիւնք աւետեաց քոց. ամենակալ **Տէր** թո՛ղ զմեզս իմ:

Պու **Տէր** բարձրեալ՝ զթած, երկայնամիտ, բազումողորմ. և զղջանաս ՚ի վերայ չարեաց մարդկան. ամենակալ **Տէր** թո՛ղ զմեզս իմ:

Պու **Մտուած**՝ ո՛չ եղեր ապաշխարութիւն վասն արդարոցն **Աբրահամու** **Իսահակայ** և **Յակօբայ**, որք ո՛չ մեղան քեզ. ամենակալ **Տէր** թո՛ղ զմեզս իմ:

Այլ եղեր ապաշխարութիւն վասն իմ մեղաւորիս. զի մեղայ աւելի քան զաւազ ծովու. և բազմացան անօրէնութիւնք իմ. ամենակալ **Տէր** թո՛ղ զմեզս իմ:

Չեմ արժանի հայիլ և տեսանել զբարձրութիւնս երկնից ՚ի բազմութենէ անօրէնութեան իմոյ. ամենակալ **Տէր** թո՛ղ զմեզս իմ:

Արացեալ եմ ես ՚ի բռնութենէ կապանաց երկաթից. և ո՛չ գոյ ինձ հանգիստ. ամենակալ **Տէր** թո՛ղ զմեզս իմ:

Բարձրացուցի զսրամտութիւն, և զչար առաջի քոյ արարի. կանգնեցի պատկեր՝ և բազմացուցի զցասումն. ամենակալ **Տէր** թո՛ղ զմեզս իմ:

Եւ արգ՝ **Տէր**, խոնարհեցուցանեմ զծունր սրտի իմոյ, և հայցեմ ՚ի քաղցրութենէ քումմէ. ամենակալ **Տէր** թո՛ղ զմեզս իմ:

Մեղայ Տէր՝ մեղայ, և զանօրէնութիւնս  
իմ ես ինձէն զհտեմ: ամենակալ Տէր՝ թո՛ղ  
զմեղս իմ:

Աղաչեմ և խնդրեմ ՚ի քէն. թո՛ղ ինձ Տէր,  
թո՛ղ ինձ. և մի կորուսաներ զես ըստ անօ-  
րէնութեան իմոյ. ամենակալ Տէր՝ թո՛ղ զմե-  
ղս իմ:

Մի՛ յաւիտեան բարկանար ինձ Տէր, և մի՛  
յիշեր զչարիսն իմ, և մի՛ պարտաւորեր զես  
ընդ իջեալսն ՚ի ներքոյ երկրի չարեօք. ամե-  
նակալ Տէր՝ թո՛ղ զմեղս իմ:

Օհ դու Աստուած՝ Աստուած ապաշխա-  
րողաց ես, և յիս ցո՛յց զբարերարութիւնդ  
քո, զե անարժան եմ: ամենակալ Տէր՝ թո՛ղ  
զմեղս իմ:

Մեցուսցես զես ըստ բազում ողորմութեան  
քում. և ես օրհնեցից զքեզ զամենայն աւուրս  
կենաց իմոց. ամենակալ Տէր՝ թո՛ղ զմեղս իմ:

Օքեզ Տէր օրհնեն ամենայն զուարթունք  
երկնից. և քո են փառք յաւիտեանս. ամէն:

Սաղմոս Գաթի:

Ողորմեա՛ ինձ Աստուած ըստ մեծի ողոր-

մութեան քում, ըստ բազում զթութեան քում  
քաւեա՛ զանօրէնութիւնս իմ:

Առաւել լուա՛ զես յանօրէնութենէ իմմէ,  
և ՚ի մեղաց իմոց սուրբ արա՛ զես.

Օանօրէնութիւնս իմ ես ինձէն զհտեմ:  
և մեղք իմ առաջի իմ են յամենայն ժամ:

Քեզ միայն մեղայ Տէր. և զչար առաջի  
քո արարի:

Որպէս արդար եղիցիս ՚ի բանս քո, և յաղ-  
թեսցես ՚ի դատելն քո:

Անօրէնութեամբ յղացաւ, և ՚ի մեղս ծնաւ  
զես մայր իմ:

Դու Տէր զճշմարտութիւն սիրեցեր. զան-  
յայտս և զծածկեալս իմաստութեամբ քով  
յայտնեցեր ինձ:

Յօղեա յիս մշտեալ, և սուրբ եղէց.  
լուա՛ և քան զձիւն սպիտակ եղէց:

Լսելի արա՛ ինձ Տէր զցնծութիւն և զու-  
րախութիւն. և ցնծասցեն ոսկերք իմ տառա-  
պեալք:

Դարձո՛ զերեսս քո ՚ի մեղաց իմոց, և զա-  
մենայն անօրէնութիւնս իմ քաւեա՛ յինէն:

Սիրտ սուրբ հաստատեա՛ յիս Աստուած, և  
հոգի ուղիղ նորոգեա՛ ՚ի փորի իմում:

Մի՛ ընկենուր զես Տէր յերեսաց քոց, և զհոգի քո սուրբ մի՛ հաներ յինէն:

Տո՛ւր ինձ ցնծութիւն փրկութեան. և հուզուով պետութեան քոյ հաստատեա՛ զես:

Ուսուցից անօրինաց զճանապարհս քո. և ամբարիշտք առ քեզ դարձցին:

Փրկեա՛ զես յարենէ Աստուած՝ Աստուած փրկութեան իմոյ. ցնծացէ լեզու իմ՝ յարդարութեան քում:

Տէր եթէ զշրթունս իմ բանաս, բերան իմ երգեսցէ զօրհնութիւնս քո:

Թէ կամեցեալ էիր՝ պատարագս մատուցանէաք. բայց դու ընդ ողջակէզս իսկ ո՛չ հաճեցար:

Պատարագ Աստուծոյ՝ հոգի խոնարհ. զսիրտ սուրբ և զհոգի խոնարհ Աստուած ո՛չ արհամարհէ:

Բարի՛ արա Տէր կամօք քովք Սիօնի, և շինեսցին պարիսպքն Արուսաղէմի:

Յայնժամ հաճեսցիս ընդ պատարագս արդարութեան, յորժամ ուխտից պատարագս հանցեն ՚ի սեղան քո զուարակս:

Ես առ Աստուած կարգացի. և նա լուա ինձ յերեկոյիս՝ ՚ի վաղորդեայն՝ և ՚ի հասարակ աւուր:

Սպասէի Աստուծոյ իմոյ, և ակն ունէի կենարարին, որ փրկէ զճառայս իւր և կեցուցանէ:

Հայր զթած՝ բարեխնամօղ՝ արարիչ ամենայն արարածոց, ընկա՛լ զպաղատանս ճառարից քոց ՚ի ժամ երեկոյիս, որ առատդ ես առ ամենեսեան՝ պարգևօք բարերարութեան քոյ: Ողորմեա՛ Տէր ամենայն աշխարհի, և եկեղեցւոյ քում սրբոյ, հիւանդաց, վշտացելոց, ճանապարհորդաց, նաւորդաց, խոստովանողաց ասպաշխարողաց, և հոգւոցն հանգուցելոց: Օհ դու ես Տէր ամենակալ, զիտես զպէտս մեր և զկարիս՝ առաւել քան զոր խնդրեմք և իմանամք. և քեզ ընդ Որդւոյ և ամենասրբոյ Հոգւոյդ վայելէ փառք իշխանութիւն և պատիւ. այժմ և միշտ և յաւիտեանս յաւիտենից ամէն:

Լճ'ը ձայնից մերոց Տէր Աստուած մեր ընկալ զաղաչանս մեր, զհամբարձումն ձեռաց մերոց՝ և զբանս աղօթից, սրբելով զերեկոյի պատարագս մեր 'ի հոտ անուշից՝ 'ի հաճոյս քեզ պատրաստել: Յաւել 'ի մեզ Տէր ամենակալ՝ զհաւատ, զյոյս, զսէր, և զամենայն գործս առաքինութեան: Որպէս զի ըստ կամաց քոց բարեսիրաց միշտ կրօնաւորեալք բարեպաշտութեամբ 'ի տուէ և 'ի գիշերի՝ արժանաւորք եղեցուք յաղագս անձանց մերոց փրկութեան, և փասն հոգեոր կենացդ աղաչել զքեզ Տէր, և գտանել 'ի քէն զշնորհս և զողորմութիւն. և գոհանալով փառաւորեացուք զձայր և զՈրդի և զսուրբ Հոգիդ. այժմ և միշտ և յաւիտեանս յաւիտենից ամէն:

Տէր Աստուած մեր՝ դու պահեա՛ զմեզ խաղաղութեամբ 'ի գիշերիս յայտնի և յամենայն ժամանակի: Ընդ սուրբ երկիւղ քո բեկնուեալ պահեա՛ զմիտս և զխորհուրդդս մեր: Որպէս զի յամենայն ժամ քե պահպանեալ լիցուք յորդայթից թշնամոյն: Եւ քեզ հանցուք զօրհնութիւն և զփառս Հօր և Որդւոյ և

Հոգւոյն սրբոյ. այժմ և միշտ և յաւիտեանս յաւիտենից ամէն:

Հրեշտակի խաղաղութեան յանձն արա՛ զանձինս մեր Տէր զօրութեանց. որ եկեալ պահեացէ զմեզ անխոռվս 'ի տուէ և 'ի գիշերի, յարթնութեան և 'ի հանգստեան մերում. զի դու ես արարիչ լուսոյ և հաստիչ գիշերի: Եւ այժմ աղաչեմք զքեզ Տէր Աստուած մեր՝ զհանգիստ գիշերիս շնորհեա՛ խաղաղութեամբ անցուցանել և հասանիլ 'ի պաշտօն առաւօտու՝ յերկրպագութիւն և 'ի փառաբանութիւն ամենասուրբ երրորդութեանդ. այժմ և միշտ և յաւիտեանս յաւիտենից ամէն:

Օհանգստեան զաղօթս և զաղաչանս ընկալ՝ մարդասէր Աստուած, 'ի հաճոյս բարերար կամաց քոց: Եւ մեր մեղաց և բազում յանցանացն թողութիւն շնորհեա՛: Եւ քեզ փառք յաւիտեանս. ամէն:

Փառք քեզ Տէր Աստուած մեր, որ պար-



գևեցեր, զօրս զայս բարեաւ և խաղաղութեամբ անցուցանել: Մարդասէ՛ր Աստուած, զառաջեկայ զիշերս՝ որ ՚ի վերայ մեր գալոց է, ՚ի մեղաց փրկեա՛, ՚ի չարեաց ազատեա՛, ՚ի դործքս բարիս առաջնորդեա՛: Առաւօտու օրհնութեանցն և փառաբանութեանցն արժանի՛ արա զամենայն հաւատացեալս անուանդ քում սրբոյ, և պահեա՛ ՚ի խաղաղութեան:

Տէ՛ր Աստուած մեր, տո՛ւր զքո խաղաղութիւնդ ամենայն աշխարհի. բա՛րձ զցասումն և զպատուհանն ՚ի յարարածոց: Ողորմեա՛ հարց և եղբարց մերոց, կենդանեաց և հանգուցելոց: Ողորմեա՛ զեկեղեցի շինողաց, երախտաւորաց, պտղատուից, սպասաւորաց, և այնոցիկ՝ որք ընդ հովանեաւ սրբոյ տաճարիս են հանդուցեալ:

Տէ՛ր Աստուած, օգնեա՛ թաղաւորաց քրիստոնէից, և իշխանացն բարեպաշտից. զօրաց և զաւակաց նոցին՝ պահելով ՚ի խաղաղութեան:

Տէ՛ր Աստուած մեր, պահեա՛ զառաջնորդըս և զեղբայրութիւնս մեր ամբողջ և անխռով ՚ի կամս ողորմութեան քոյ:

Նշանաւ սուրբ և պատուական խաչի քո

հալածեա՛ զերևելի և զաներևոյթ թշնամին ՚ի սահմանաց մերոց և ՚ի բնակութենէս մերմէ: Փրկեա՛ զմեզ ՚ի հրոյն յաւիտենից: Եւ քեզ փառք յաւիտեանս ամէն:

Աղօթք տեառն Ներսիսի:

Հաւատով խոստովանիմ և երկիրպագանեմ քեզ, Հայր՝ և Որդի՝ և սուրբ Հոգի. անեղ և անմահ բնութիւն, արարիչ հրեշտակաց և մարդկան և ամենայն եղելոց. ողորմեա քո արարածոց և ինձ բազմամեղեա:

Հաւատով խոստովանիմ և երկիրպագանեմ քեզ՝ անբաժանելի լոյս միասնական սուրբ երրորդութիւն և մի՛ Աստուածութիւն, արարիչ լուսոյ և հալածիչ խաւարի. հալածեա՛ ՚ի հողոյ իմմէ զխաւար մեղաց և անգիտութեան. և լուսաւորեա՛ զմիտս իմ ՚ի ժամուս յայսմիկ՝ աղօթել քեզ ՚ի հաճոյս, և ընդունել ՚ի քէն զինդրուածս իմ. և ողորմեա՛ քո արարածոց և:

Հայր երկնաւոր Աստուած ճշմարիտ, որ առաքեցեր զՈրդիդ քո սիրելի ՚ի խնդիր մուրեալ ոչխարին. մեզայ յերկինս և առաջի քո. ընկա՛ զեն որպէս զանառակ որդին, և զգեցո՛

ինձ զպատմութեանս զառաջին, զոր մերկացայ մեղօք. և ողորմեա՛ Քո արարածոց՝ և ինձ բազմամեղին:

Արդի Աստուծոյ Աստուած ճշմարիտ, որ խոնարհեցար 'ի հայրական ծոցոյ, և առեր մարմին 'ի սրբոյ կուսէն Մարիամայ վասն մերոյ փրկութեան, խաչեցար՝ թաղեցար՝ և յարեար 'ի մեռելոց, և համբարձար փառօք առ Հայր. մեղայ յերկինս և առաջի Քո. յիշեա՛ զես որպէս զաւազակն, յորժամ զաս արքայութեամբ քով. և ողորմեա՛ Քո արարածոց և ինձ բազմամեղին:

Հոգի Աստուծոյ Աստուած ճշմարիտ, որ իջեր 'ի Յորդանան և 'ի վերնատունն, և լուսաւորեցեր զես մկրտութեամբ սուրբ աւազանին. մեղայ յերկինս և առաջի Քո. մաքրեա՛ զես վերստին Աստուածային հրով քով, որպէս հրեղէն լեզուօք զառաքեալսն. և ողորմեա՛ Քո արարածոց և ինձ բազմամեղին:

Անեղ բնութիւն, մեղայ քեզ մտօք իմովք, հոգւով և մարմնով իմով. մի՛ յիշեր զմեզս իմ զառաջինս՝ վասն անուանդ քում սրբոյ. և ողորմեա՛ Քո արարածոց և ինձ բազմամեղին:

Տեսող ամենայնի, մեղայ քեզ խորհրդով, բանիւ և գործով. ջնջեա՛ զձեռագիր յանցանաց իմոց, և զբա՛ զանուան իմ՝ 'ի դպրութեան կենաց. և ողորմեա՛ Քո արարածոց և ինձ բազմամեղին:

Քննող զաղանեաց, մեղայ քեզ կանայ և ակամայ, գիտութեամբ և անգիտութեամբ. թողութիւն շնորհեա՛ մեղաւորիս. զե՛ 'ի ծննդենէ սուրբ աւազանին մինչև ցայսօր մեղաւցեալ եմ առաջի Աստուածութեանդ քոյ՝ զգայարանօք իմովք, և ամենայն անդամօք մարմնոյս. և ողորմեա՛ Քո արարածոց և ինձ բազմամեղին:

Ամենախնա՛մ Տէր, դի՛ր պահապան աչաց իմոց զերկիւղ քո սուրբ՝ ո՛չ ևս հայել յարաւ. և ականջաց իմոց ո՛չ ախորժել լսել զբանս չարութեան. և բերանոյ իմոց ո՛չ խօսիլ զստութիւն. և սրտի իմոց ո՛չ խորհիլ զչարութիւն. և ձեռաց իմոց ո՛չ գործել զանիրաւութիւն. և ոտից իմոց ո՛չ զնալ 'ի ճանապարհս անօրէնութեան. այլ ուղղեա՛ զչարժումս սոցա լինիլ միշտ ըստ պատուիրանաց քոց յամենայնի. և ողորմեա՛ Քո արարածոց և ինձ բազմամեղին:

Հօ՛ւր կենդանի Քրիստոս, զհօւր սիրոյ քո զոր արկեր յերկիր՝ բորբոքեա՛ յանձն իմ. զե

այրեսցէ զախտ հոգւոյ իմոյ. և սրբեսցէ զեիղձ մտաց իմոց. և մաքրեսցէ զմեղս մարմնոյ իմոյ. և վառեսցէ զլոյս գիտութեան քոյ 'ի սրտի իմոմմ. և ողորմեա՛ քո արարածոց և ինձ բազմամեղիս:

Իմաստութիւն Հօր Յիսուս, տո՛ւր ինձ զիմաստութիւն զբարիս խորհիլ և խօսիլ և գործել առաջի քոյ յամենայն ժամ. 'ի չար խորհրդոց՝ 'ի բանից և 'ի գործոց փրկեա՛ զիս. և ողորմեա՛ քո արարածոց և ինձ բազմամեղիս:

Պամեցող բարեաց Տէ՛ր կամարար, մի՛ թողուր զիս 'ի կամս անձին իմոյ զնալ. այլ առաջ նորդեա՛ ինձ լինիլ միշտ ըստ կամաց քոց բարեսիրաց. և ողորմեա՛ քո արարածոց և ինձ:

Արքայ երկնաւոր, տո՛ւր ինձ զարքայութիւն քո՝ զոր խոստացար սիրելեաց քոց. և զօրացո՛ զսիրտ իմ առել զմեղս, և սիրել զքեզ միայն, և առնել զկամս քո. և ողորմեա՛ քո արարածոց և ինձ բազմամեղիս:

Իննամօ՛ղ արարածոց, պահեա՛ նշանաւ խաչի քոյ զհոգի և զմարմին իմ 'ի պատրանաց մեղաց, 'ի փորձութեանց դիւաց, և 'ի մարդոց անիրաւաց, և յամենայն վտանգից հոգւոյ և մարմնոյ. և ողորմեա՛ քո արարածոց և ինձ:

Պահապա՛ն ամենայնի՛ Քրիստոս, աջ քո հովանի լիցի 'ի վերայ իմ՝ 'ի տուէ և 'ի զիշերի՝ 'ի նստիլ 'ի տան, 'ի զնալ 'ի ճանապարհ, 'ի ննջիլ և 'ի յառնել, զի մի՛ երբէք սասանեցայց. և ողորմեա՛ քո արարածոց և ինձ:

Աստուած իմ, որ բանաս զձեռն քո, և ընուս զամենայն արարածս ողորմութեամբ քոյ, քեզ անձն առնեմ զանձն իմ. զու հոգա՛ և պատրաստեա՛ զպէտս հոգւոյ և մարմնոյ իմոյ յայսմ հետէ մինչև յաւիտեան. և ողորմեա՛ քո արարածոց և ինձ բազմամեղիս:

Վարձուցիչ մոլորելոց, դարձո՛ զիս 'ի չար սովորութեանց իմոց 'ի բարի սովորութիւն. և բեւեռեա՛ 'ի հոգի իմ զսոսկալի օր մահուն՝ և զերկիւղ զեհնոյն՝ և զսէր արքայութեանն. զի զղջացայց 'ի մեղաց, և զործեցից զարդարութիւն. և ողորմեա՛ քո արարածոց և ինձ:

Ազբի՛ւր անմահութեան, աղբերացո՛ 'ի սրտէ իմմէ զարտասուս ապաշխարութեան որպէս պոռնկին. զի լուացից զմեղս անձին իմոյ յառաջ քան զեղանելն իմ յաշխարհէս. և ողորմեա՛ քո արարածոց և ինձ բազմամեղիս:

Պարգևիչ ողորմութեան, պարգևեա՛ ինձ

ուղղափառ հաւատով՝ և բարի գործով՝ և սուրբ մարմնոյ և արեան քո հաղորդութեամբ՝ զալ առ քեզ, և ողորմեա քո արարածոց և ինձ:

Բարերար՝ **Տէր**, հրեշտակի բարոյ յանձն արասցես զիս՝ քաղցրութեամբ աւանդել զհոգի իմ, և անխռով անցուցանել ընդ չարութիւն աշտոցն՝ որք են ՚ի ներքոյ երկնից, և ողորմեա՝ քո արարածոց և ինձ բազմամեղիս:

Լոյս ճշմարիտ Քրիստոս, արժան աւորեալ զհոգի իմ ուրախութեամբ տեսանել զլոյս փառաց քոց ՚ի կոչման աւուրն. և հանգչիլ յուսով բարեաց յօթեանս արդարոց մինչև յօր մեծի գալստեան քոյ. և ողորմեա՝ քո արարածոց և ինձ բազմամեղիս:

Դատաւոր արդար, յորժամ՝ զաս փառօք Հօր դատել զկենդանիս և զմեռեալս, մի՛ մտաներ ՚ի դատաստան ընդ ծառայի քում: այլ՝ փրկեա՛ զիս ՚ի յաւիտենական հրոյն. և լսելի՛ արա ինձ զերանաւէտ կոչումն արդարոց յերկնից արքայութիւնդ. և ողորմեա՛ քո արարածոց և ինձ բազմամեղիս:

Մէնտորմ **Տէր**, ողորմեա՛ ամենայն հաւատացելոց ՚ի քեզ, իմոց և օտարաց, ծանօթից

և անծանօթից, կենդանեաց և մեռելոց. Հնորհեա՛ և թշնամեաց իմոց և առեկեաց զթողութիւն՝ որ առիս յանցանաց, և դարձո՛ զնոսա ՚ի չարեացն՝ զոր ունին վասն իմ, զի ողորմութեան քում արժանի եղիցին. և ողորմեա քո արարածոց և ինձ բազմամեղիս:

Փառաւորեա՛ **Տէր**, ընկա՛լ զաղաչանս ծառայիս քո. և կատարեա՛ ՚ի բարի զինդրուածս իմ բարեխօսութեամբ սրբուհոց Աստուածածնին, և Յովհաննու մկրտչին, և սրբոյն Ստեփաննոսի նախավկային, և սրբոյն Գրիգորի մերոյ լուսաւորչին, և սրբոց Առաքելոց, Մարգարէից, Արդապետաց, Մարտիրոսաց, Հայրապետաց, Ղգնաւորաց, Առասանաց, Միանձանց, և ամենայն սրբոց քոց երկնաւորաց և երկրաւորաց: Եւ քեզ փառք և երկրպագութիւն անբաժանելի սուրբ Երրորդութեանդ՝ յաւիտեանս յաւիտենից. ամէն:

Երգ զիշերային ժամու:

Առաւօտ լուսոյ, արեգակն արդար, առիս  
լոյս ծագեա՛: Բղխումն 'ի հօրէ, բղխեա՛ 'ի  
հոգւոյս բան քեզ 'ի հաճոյս

Գանձդ ողորմութեան, գանձիդ ծածկելոյ  
գտող զիս արա՛: Գուռն ողորմութեան, դաւա-  
նողիս բա՛ց. դասեցո՛ վերնոյն:

Երբեակ միութիւն, եղելոց խնամող, և ինձ  
ողորմեա՛: Օւարթի՛ր Տէր յօգնել. զարթո՛  
զթմրեալս, զուարթնոց նմանիլ:

Լէդ հայր անսկիզբն, էակից որդի, է միշտ  
սուրբ հոգի. Բնկա՛լ զիս զթած, ընկա՛լ ողոր-  
մած, ընկա՛լ մարդասէր:

Թաղաւոր փառաց, թողութեանց տուող,  
թո՛ղ ինձ գլանցանս: Ժողովող բարեաց, ժո-  
ղովեա՛ և զիս ժողովս անդրանկաց:

Ի քէն Տէր հայցեմ 'ի մարդասիրէդ ինձ  
բժշկութիւն: Լե՛ր կեանք մեռելոյս, լոյս խա-  
ւարելոյս, լուծանող ցաւոյս:

Խորհրդոց գիտող, խաւարիս շնորհեա՛ խոր-  
հուրդ լուսաւոր: Ծնունդ հօր ծոցոյ, ծած-  
կելոյս ստուերաւ ծագեա՛ լոյս փառաց:

Վնարար փրկիչ, կեցո՛ զմեռեալս, կանգնեա՛  
զգլորեալս: Հաստեա՛ հաւատով, հաստատեա՛  
յուսով, հիմնեցո՛ սիրով:

Չայնիւս աղաչեմ, ձեռօքս պաղատիմ, ձիր  
բարեաց շնորհեա՛: Ղամբարամբ լուսոյ, ղեկա-  
վար ճարտար, ղողեալս ամրացո՛:

Ճառագայթ փառաց, ճանապարհ ինձ ցոյց  
ձեպել 'ի յերկինս: Միածինդ հօր, մո՛յժ զիս  
յառագաստ մաքուր հարսանեացդ:

Յորժամ գաս փառօք յահագին աւուրն,  
յիշեա՛ զիս Բրիստոս: Նորոգող հնութեանց,  
նորոգեա՛ և զիս, նորոգ զարդարեա՛:

Շնորհատու բարեաց, շնորհեա՛ զքաւու-  
թիւն. շնորհեա՛ զթողութիւն: Ուրախացո՛  
Տէր ոգւոյս փրկութեամբ, ոյր վասն եմ 'ի սուգ:

Չար մշակողին չար սերմանց նորին չորացո՛  
զպտուղն: Պարգեւիչ բարեաց, պարգեւեա՛ իմոց  
պարտեացս թողութիւն:

Ջուր շնորհեա՛ աչացս, ջերմ հեղուլ զար-  
տուր, ջնջել գլանցանս: Ռետինդ քաղցու,  
ուամ հոգւոյս արբո՛, ուհ ցոյց ինձ լուսոյ:

Սէր անուն Յիսուս, սիրով քով ձմեա՛ սիրտ  
իմ քարեղէն: Սան զթութեան, վասն ողոր-  
մութեան, վերստին կեցո՛:

Տենչալոյդ անպեամբ տո՛ւր ինձ յազենալ,  
Տէր Յիսուս Քրիստոս: Բարունդ երկնաւոր,  
բոտեա՛ զաշակերաս ըմից երկնայնոց:

Յօղ արեան քո Տէր, ցօղեա՛ ՚ի հոգիս.  
ցնծացէ անձն իմ: Խիւճեալս մեղօք լիւճեալ  
աղաչեմ լիւսել ինձ բարիս:

Փրկիչ բոլորից, փութա՛ զիս փրկել փոր-  
ձութեանց մեղաց: Քաւիչ յանցանաց, քա-  
ւեա՛ զօրհնաբանս քեզ երգել զփառս:

Աստուածածնին բարեխօսութեամբն՝ յիշեա՛  
Տէր և ողորմեա՛:

Հրեշտակային երգ ի ծնունդն Քրիստոսի:

Փառք ՚ի բարձունս Աստուծոյ, և յերկիր  
խաղաղութիւն, ՚ի մարդիկ հաճութիւն: Եւ  
օրհնութիւն քեզ ՚ի բարձունս. օրհնեալ ես  
Տէր Աստուած մեր. օրհնեմք զքեզ և զովմք  
զքեզ: Խոստովանիմք Տէր զքեզ. և երկիրպա-  
զանեմք քեզ. փառաւորեմք զքեզ. զօհանամք  
Տէր զքէն վասն մեծի փառաց քոց: Տէր թա-  
ղաւոր սուրբդ երկնային Աստուած և հայր  
ամենակալ: Տէր և Արդի Հօր միածին Յի-  
սուս Քրիստոս և սուրբ Արդի: Տէր Աստուած

զառն Աստուծոյ և Արդի Հօր, որ աներ  
զմերս ՚ի կուսէն. ողորմեցար, բարձեր զմեզս  
աշխարհի: Եւ արդ ընկալ զաղաչանս մեր,  
սուրբդ որ նստիս ընդաջմէ Հօր՝ ողորմեաց  
մեզ: Օվ դու միայն սուրբ, դու միայն բար-  
ձրեալ ես, դու միայն Տէր մեր Յիսուս Քրիս-  
տոս: Տէր և Հոգիդ սուրբ, որ ՚ի փառս Աս-  
տուած ընդ Հօր. ամէն:

Եւ յամենայն ժամ օրհնեմք զքեզ, Տէր, և  
զովմք զանուն սուրբ քո, յաւիտեան և յաւի-  
տեանս յաւիտենից: Արժանի արա Տէր զօրս  
զայս խաղաղութեամբ, և առանց մեղաց պա-  
հեա՛ զմեզ: Օրհնեալ ես Տէր Աստուած հարցն  
մերոց, զովեալ և փառաւորեալ է անուն սուրբ  
քո յաւիտեանս ամէն: Օրհնեալ Տէր, ուսո՛  
ինձ զարգարութիւնս քո. երկցս էրկնեա: Տէր ա-  
պաւէն եղեր մեր յազգէ յազգ: Ես աղաչեմ  
Տէր ողորմեա՛ ինձ. և բժշկեա՛ զանձն իմ. ես  
մեղայ քեզ: Յոյց մեզ Տէր զողորմութիւնս  
քո. և զփրկութիւնս քո տո՛ւր մեզ: Տէր ողոր-  
մութիւն քո յաւիտեանս. զզործս ձեռաց քոց մի՛  
անտես սոռներ: Տէր իմ զքեզ ապաւէն ինձ  
արարի. ուսո՛ ինձ աննել զկամս քո, զի դու ես  
Աստուած իմ: Եւ քէն է Տէր աղբիւր կենդա-

նութեան, և լուսով երեսաց քոց տեսանեմք զլոյս:  
Օտազեա՛ զողորմութիւնս քո, որք ճանաչեն  
դքեզ Տէր:

Երգ խաչի:

Խաչի քո Քրիստոս երկիրպագանեմք, և  
զսուրբ Խաչելութիւնդ քո մեծացուցանեմք,  
և զսուրբ Յարութիւնդ քո փառաւորեմք:  
Եկայք հաւատացեալք երկիրպագեսցուք Քրիս-  
տոսի Աստուծոյ մերոյ. վասն զի եկն 'ի ձեռն  
Խաչին իւրոյ շնորհեաց պարգևս աշխարհի:  
Սուրբ Աստուած, սուրբ և հզօր, սուրբ և ան-  
մահ, որ խաչեցար վասն մեր, ողորմեա՛ մեզ:

Փառք սուրբ Խաչիդ ալէլուիա, սուրբ մատ-  
նութեանդ ալէլուիա, չարչարանացդ ալէլուիա,  
խաչելութեանդ ալէլուիա, սրբոյ թաղմանդ ալէ-  
լուիա, սուրբ յարութեանդ ալէլուիա:

Փառք և երկրպագութիւն շօր և Որդւոյ  
և շողոյն սրբոյ. այժմ և միշտ և յաւիտեանս  
յաւիտենից. ամէն:

Երգ աղպային մաղթանաց:

Արի Աստուած հարցն մերոց,  
Որ ապաւէնդ ես նեղելոց,

Հա՛ս օգնութիւն ծառայից քոց,  
Լե՛ր օգնական ազգիս Հայոց:  
Տէր ողորմեա, Տէր ողորմեա, Տէր ողորմեա:

Միջնորդութեամբ սրբոյ խաչիդ  
Եւ անարատ սուրբ ծնողիդ,  
Յիշեա գհեղուքն արեան Փրկչիդ,  
Ե՛լ 'ի խնդիր փոքու հօտիդ:  
Տէր ողորմեա, Տէր ողորմեա, Տէր ողորմեա:

Օգի դիտացաք մեք հաւաստեալ,  
Որ չափ մեղաց մերոց լցաւ,  
Ուստի Տէրդ մեր բարկացաւ,  
Ա՛ռ 'ի խրատել զմեզ զարթեալ:  
Տէր ողորմեա, Տէր ողորմեա, Տէր ողորմեա:

Արդ անկանիմք առաջի քոյ,  
Գոչեմք մեղայ Տեսունդ մերոյ,  
Դարձո՛ 'ի մէջ զցատումն քո,  
Վասն անսպառ զթութեան քոյ:  
Տէր ողորմեա, Տէր ողորմեա, Տէր ողորմեա:

Ի քէն հայցեմք մեզ օգնութիւն,  
Եմենասուրբ Արորդութիւն,  
Տուր աշխարհիս խաղաղութիւն,  
Քրիստոնէից հաստատութիւն:





Մի՛ սպանաներ:  
 Մի՛ շնար:  
 Մի՛ գողանար:  
 Մի՛ սուտ վկայեր զընկերէ քու՛մէ:  
 Մի՛ ցանկանար տան ընկերի քո, և մի՛ ամե-  
 նայնի, որք նորա իցին:

Մաղձանք մանկանց:

Կարդամ առ քեզ Ըստուած՝ Հայր,  
 Ուսեալ յՈրդւոյդ Միածնէ,  
 Որպէս խրատեաց և իմ Մայր,  
 Ի սնունդ հոգւոյս ՚ի ծընէ:  
 Հայր բնակիս ՚ի բարձունս,  
 Պատեալ աթոռդ զուարթնովք  
 Բարեբանիս յերգս քաղցրունս  
 Ջերմ ՚ի թախանձս երկրայնովք:  
 Սուրբ է սնունդդ, մեծ յաւէտ  
 Քաղցր, ահաւոր և հզօր.  
 Ընձառ, աներբ և անկէտ՝  
 Օրհնեալ Հայր մեր երկնաւոր:  
 Գործ են ձեռացդ տիեզերք,  
 Երբայութիւնդ անըսպառ,  
 Եւ ընդ ոտիւք քո եթերք  
 Սէ՛ս մեծութեանդ ցոյց պայծառ:

Երկինք է՛ երկիր քո բանիւ  
 Եղեն և կան հաստատուն.  
 Ընկոխ նոցայն զարդք անթիւ  
 Պահին կամօքդ իմաստուն:  
 Ի՛ն է աշխարհ համօրէն  
 Բարեօք քո՝ Տէ՛ր բարերար.  
 Օքեզ դովին և օրհնեն  
 Եմէն, զոր աջ քո արար:  
 Ողջ եղելոց Դու՛ն ես յոյս,  
 Ի քեզ հային աչք համբուն.  
 Դու բաշխես մեզ զպիտոյս  
 Տէ՛ր խնամակալ կեանս ՚ի բուն:  
 Թռչունք, կայտառք և զեռունք,  
 Սողունք ՚ի ծով ՚ի ցամաք,  
 Կոյն կենդանիք՝ անասունք  
 Յագին խնամով քո համակ:  
 Բնութիւն համայն քե աճի,  
 Երկիր պճնի պտղաւէտ.  
 Չեն մեծ ինչ քո առաջի  
 Հրաշիցս՝ արարք ՚ի մեր պէտ:  
 Ի՛ քո պարգևս այսպէս՝ Տէ՛ր,  
 Եւ հասարակ վայելեն  
 Ընհատ, անդուլ, անտարբեր՝  
 Որոց որչափ վայել են:

Յայսմ խնամեցդ 'ի խրախճան  
 Տաս կարիս և ինձ մանկան  
 Թարց վաստակոց և անջան՝  
 Որչափ իմ սիրտ, միտք ցանկանս  
 Ուստի թո՛թով ես 'ի բան  
 Եւ քեզ մաղթեմ Հայր պաշտարան,  
 Լո՛ւր աղօթիցս, ով գթած  
 Լո՛ւր, աղաչեմ, առ իս դարձ:  
 Լո՛ւր աղերսիցս 'ի բարձանց,  
 Խառն ընդ երգոց անմարմնոց,  
 Ընկա՛լ զիմ ջերմ գթախանձ՝  
 Տէ՛ր իմ՝ անհատ բարեաց ծոց:  
 Ուխտ իմ սրտի եռանդուն,  
 Չէ վասն և եթ իմ անձին,  
 Մաղթեմ 'ի պէտս ես համբուն  
 Երարածոց առանձին,  
 Տո՛ւր՝ Տէ՛ր, զկարիս աղբատոց,  
 Եւ զհայցուածս կարօտից,  
 Չբոյժ ցաւոց հիւանդաց,  
 Եւ նեղելոց զիւր սրտից:  
 Տո՛ւր՝ զբարիս թշնամեաց,  
 Չազատութիւն գերիւրց,  
 Տո՛ւր թողութիւն ատելեաց՝  
 Չարեաց առ իս մեղելոց:

Օգնեա՛ որբոց և այրեաց,  
 Տո՛ւր միշտ նոցա զպիտոյս,  
 Տո՛ւր զօրութիւն տըկարաց,  
 Մողորկոց մտաց լոյս:  
 Տո՛ւր տրտմեւոց մխիթար,  
 Չանլըզով միտս՝ թարց ցաւոց,  
 Չովաչուաց զանկըթար  
 Չեթ յաջողակ՝ զերծ հոգւոց:  
 Հնորհեա՛ հանգիստ, կեալ խաղա՛ղ  
 Երարածոց յամէն ուր,  
 Բարձ յամենից կամս դանդաղ  
 Չարեաց մեղաց զմբուր:  
 Տո՛ւր և զսէր միաբան  
 Հայկայ ազգիս հէք թշուառ,  
 Լե՛ր նմա միշտ պահապան  
 Գթով շնորհացդ անբսպառ:  
 Օգնեա՛ յուսով, հաւատով  
 Ունիլ միշտ սուրբ զկրօն,  
 Պահեա՛ 'ի նոյն անլըզովի  
 Մտօք զգապտ ևզգօն:  
 Պահեա՛ հեռի յաղանդոց,  
 Բարեաց 'ի գործս անայթաք,  
 Ընդեղջ 'ի հնոց աւանդոց՝  
 Հարց պանծալեաց հանգիտակ:

Հէղ գուղղութեան ձիրս 'ի նա  
 Օեռանդնոտ միտս և զոգի,  
 Տո՛ւր սիրտ սիրով յարամնայ  
 Ապպիլ 'ի մի սիրտ, հոգի:

Օամենեսին զօրացո՛,  
 Իմաստնացո՛ և օրհնեա՛,  
 Պատսպարեա՛ և կեցո՛  
 Ի վտանգից ազատեա՛:

Ի՛նչ էր Տէր, հայեաց, քոյ է նա  
 Նախկին բաժին և վեճակ.

Մի՛ մոռանար դու զնա  
 Արա՛ շնորհացդ ընդունակ:

Տէ՛ր զօրութեանց, դա՛րձ հայեաց  
 Յերկնից և տե՛ս, ա՛յց արա  
 Այգուցս, զոր աջ քո անկեաց,  
 Դո՛ւ միայն ես Տէր սորա:

Դա՛րձ գթութեամբ, Տէ՛ր Աստուած,  
 Դարձո՛ նըմա զմեղմ գարուն,  
 Տո՛ւր վառեալ քե վարդեկաց  
 Պճ՛նիլ 'ի զարդ պատարուն:

Ծագեա՛ զարևդ կենսածին,  
 Օ՛ր սերմունք յայս քո այգուջ  
 Աճցին, բերցին զնախկին  
 Հաճոյ աչացդ զբողբոջ:

Շարժեա՛ց 'ի գութ Աստուած մեր՛  
 Տո՛ւր վայելել վերստին  
 Օնաննի գարուն բարեբեր  
 Քո բանաւոր փոքր հօտին:

Չայնիւ սրտիս անմռունչ  
 Առ քեզ գոչեմ, Հայր իմ արդ  
 Ընկա՛լ զայս իղձ, զայս մրմունջ  
 Ի մանկանէս մեղապարտ:

Դո՛ւ ես մեր Տէր օգնական,  
 Դու և մեր յոյս, ապաւէն.  
 Քե՛զ գոհութիւն օրհնարան  
 Այժմ և յապայն միշտ ամէն:



1) L. u. p. S. p.

2) L. u. p. S. p.

3) L. u. p. S. p.

4) L. u. p. S. p.

5.

Faint, illegible text in a cursive script, possibly a list or a set of instructions.



2426

<< Ազգային գրադարան



NL0029301



2360